

## Undirliggjandi erlend staða þjóðarbúsins í lok fyrsta ársfjórðungs 2015

Á vef Seðlabanka Íslands hafa nú verið birt bráðabirgðayfirlit um greiðslujöfnuð við útlönd á fyrsta ársfjórðungi 2015 og um erlenda stöðu þjóðarbúsins í lok ársfjórðungsins.

Til frekari upplýsingar birtir Seðlabankinn samhlíða mat á undirliggjandi erlendri stöðu þjóðarbúsins. Er þá reynt að leggja mat á þá stöðu sem mun birtast þegar innlendar og erlendar eignir innlánsstofnana í slitameðferð hafa verið seldar og andvirði þeirra ráðstafað til kröfuhafa.<sup>1</sup> Undirliggjandi erlend staða í lok fyrsta ársfjórðungs 2015 er metin neikvæð um 783 ma.kr. eða 38% af áætlaðri vergri landsframleiðslu. Til samanburðar var undirliggjandi staða í lok fjórða ársfjórðungs 2014 metin neikvæð um 880 ma.kr. Undirliggjandi staða hefur því batnað á fyrsta ársfjórðungi 2015 um 97 ma.kr. eða um 4,7% af vergri landsframleiðslu. Helstu breytingar á ársfjórðungnum felast í aukningu á brúttó gjaldeyrisforða, um tæpa 63 ma.kr., sem skýrist að hluta af erlendum lántökum innlendra aðila og gengis- og virðisbreytingum á eignum og skuldum sem voru hagstæðar um rúman 71 ma.kr. í ársfjórðungnum.

Hrein staða við útlönd var neikvæð um 7.937 ma.kr. eða 387% af vergri landsframleiðslu í lok fyrsta ársfjórðungs 2015. Að frátöldum innlánsstofnunum í slitameðferð var staðan jákvæð um 12 ma.kr. eða 0,5% af vergri landsframleiðslu. Talið er að slit innlánsstofnana í slitameðferð hafi neikvæð áhrif á hreinu erlendu stöðuna sem nemur 795 ma.kr. eða tæplega 39% af vergri landsframleiðslu.<sup>2</sup> Undirliggjandi hrein erlend staða miðað við reiknað uppgjör innlánsstofnana í slitameðferð og fyrirtækja sem unnið er að slitum á er því metin neikvæð um 783 ma.kr. eða 38% af vergri landsframleiðslu.

---

<sup>1</sup> Gert er ráð fyrir jafnri skiptingu allra eigna ILST í slitameðferð milli allra kröfuhafa.

<sup>2</sup> Við mat á eignum innlánsstofnana í slitameðferð er notað bókfært virði þeirra samkvæmt uppgjörum slitastjórmanna. Við skiptingu á kröfuhöfum í innlenda og erlenda aðila er farið eftir samþykktum kröfum samkvæmt kröfuhafaskrár búanna sem greindar eru niður á undirliggjandi eigendum. Rétt er að geta þess að nokkur óvissa er um markaðsvirði eigna innlánsstofnana í slitameðferð og um hlutfallslega skiptingu á kröfum í innlendar og erlendar. Þættir, svo sem uppgjörsgengi gjaldmiðla, skuldajafnanir og niðurstöður úr ágreiningi um tiltekna kröfur munu skera endanlega úr um stöðu búanna og þar með um áhrif uppgjöranna á erlenda stöðu þjóðarbúsins.

**Tafla 1. Undirliggjandi erlend staða þjóðarbúsins í lok fyrsta ársfjórðungs 2015  
(% af vergri landsframleiðslu)**

<i>% af VLF</i>	<b>Erlendar eignir</b>	<b><u>2015,I</u></b>	
		<b>Erlendar skuldir</b>	<b>Hrein staða við útlönd</b>
- alls	275	-662	-387
- án ILST í slitameðferð	197	-197	0,5
- m.v. reiknað uppgjör ILST í slitameðferð	201	-239	-38

Nánari upplýsingar veitir Eggert Þ. Þórarinnsson á  
fjármálastöðugleikasviði Seðlabanka Íslands í síma 569-9600.